

Na veika e vinakati me rawa ni rejisita

CHARITIES SERVICES

Ngā Ratonga Kaupapa Atawhai

Ni bera ni dou rejisita, keitou vakatura mo dou na raica taumada na ivakamacala [ni veika mera tiko](#) kei na webinar ena [kena yaga kei na itavi e salavata na isoqosoqo ni veivuke](#). Na veivuke era vakarautaki qo e tiko kina na itukutuku bibi eso ni veika e vauca na isoqosoqo ni veivuke kei na ivakatagedegede me muri ena kena vakarautaki na ripote.

Mo dou rawa ni vakalewena vakaoti na fomu ni kerekere ena initaneti, ena gadrevi me tiko vei kemudou na itukutuku qo:

► Yaca ni isoqosoqo ni veivuke

Na yaca vakalawa ni isoqosoqo ni veivuke (na yaca ni trust deed se na yaca e rejisita ena Valenivolavola ni Kabani) kei na yaca tale eso e kilai kina.

► Na itukutuku ni veitaratara

Na itukutuku ni veitaratara ena isoqosoqo, wili kina na katonimeli kei na yaca ni gaunisala e tiko kina.

► Na yacai koya me qiriti

O koya me vakau kina na imeli kei na veitaratara tale eso. E rawa ni vakarautaki e dua tale na yaca ni veitaratara.

► iNaki ni veivuke

Kevaka e inaki ni isoqosoqo me veivuke, me na kilai taumada na veika e tukuni ena kena ivola ni lawa ena inaki ni kena vakaturi. Me veivuke ena kena ivolavolai, raica na itukutuku ena [inaki ni isoqosoqo ni veivuke kei na kena lawa](#).

► iTuvatuva ni isoqosoqo

Na sala e cicivaki kina kei ira na vakaitavi. Ena vinakati me na vakamacalataki qai okati na veiwekani eso e vauci kei ira eso tale na isoqosoqo ni veivuke.

► Vanua e vakayacori kina na veiqaravi

E vakayacori evei na veiqaravi (dua na iwase ni vanua, matanitu taucoko, vanuatani se tolutolu?).

► Kedra itukutuku na vakaillesilesi

Na kedra itukutuku na kena vakaillesilesi (o iratou na kena lewe ni trust se komiti), na nodra itutu (Jeameni, Sekeriteri kei na so tale), tikinisiga era tekivu kina, nodra itikotiko kei na nodra tikinisiga ni sucu. Ena vinakati tale ga me sainitaki ni ratou rawata na kena ivakatagedegede me ratou vakaillesilesi ena ruku ni Lawa ni iSoqosoqo ni Veivuke. Raica na neitou [itukutuku me baleta ira na vakaillesilesi](#) ena [sitivikiti ni vakaillesilesi](#).

► iTavi e qaravi

Na ivakamacala ni veika e vakayacori ena isoqosoqo, wili kina o ira na okati kina, na vanua e vakayacori kina na kena veiqaravi kei ira na vakila na kena yaga.

► iTukutuku veitokoni

Ena veivuke ke vakarautaki e dua na ivolatukutuku vakayabaki, ivola, imeli se ivola e vakaraitaka na mataqali cakacaka e vakayacori.

► iTukutuku vakailavo

Na itukutuku vakailavo vou duadua ke tiko.

► Na ilavo e vakayagataki e vanuatani

Na pasede ni ilavo eso e vakayacori kina na veika e gadrevi e vanuatani (veitalia kevaka e saiva).

► Cau

Kevaka mada ga e vakau yani vei kemudou na cau [koha](#) se sega.

► Lawa kei na ivakamacala ke sa sogo

Na kena lawa e dua na ivakamacala vakaivola ni inaki ni isoqosoqo ni veivuke, na veika e vakayacora kei na sala e cicivaki kina. E rawa ni vakatokai me lawatu, ivola ni veidinadinati se ivola dusidusi ni isoqosoqo.

Na ivola kece ni lawa, vakavo ga na ivola ni veidinadinati, me na tiko kina e dua na ivakamacala ni veika ena vakayacori ke sa mani sogo na isoqosoqo ni veivuke. E dodonu me vakamacalataka ni na vakayagataki ena inaki ni veivuke na veika sa vo ni sa mai saumi kece na dinau kei na isausaumi, se me soli ena dua tale na isoqosoqo ni veivuke. Me ikuri ni ivakamacala, raica na [inaki ni veivuke kei na kena lawa](#).

► Veika e sega ni vakatakilai

Kevaka e [sega ni via vakatakilai eso na itukutuku vei ira na lewenivanua](#), ena vinakati me dua na kena ivakamacala matata. Sa dau kena ivakarau ga me biu na ivakamacala ni nomudou isoqosoqo ena [Rejisita ni iSoqosoqo ni Veivuke](#).

► Kemudou itukutuku

Kevaka e leweni vakailawalawa na isoqosoqo, kabani se trust ni isoqosoqo ni veivuke, dou rawa ni vakayagataka na naba e rejisita ena Valenivolavola ni Kabani. Kevaka e tiko na nomudou naba ni iVakacavacava se New Zealand Business Number (NZBN, Naba ni Bisinisi e Niusiladi) dou rawa ni vakayagataka tale ga qo.

Dou sa tu vakarau me vakau nomudou ivolakerekere?

[Tabaka qo me vakau ena initaneti na kerekere](#).

Ena vakau yani e dua na imeli me vakadeitaka ni sa vakadonui na nomudou kerekere. Kevaka keitou gadreva eso na itukutuku, keitou na veitaratara yani. Ena gauna sa dikevi kina na ivolakerekere, ena vakadeitaki yani na kena macala.

Me nanumi, kevaka sa rejisita ena Valenivolavola ni Kabani qai veisau na kena lawa, ena vinakati me vakaraitaki vei ratou na veisau ni bera ni tukuni vei keitou.



Se gadreva tiko ga na veivuke?

[Tuvanaka mo dou veitalanoa](#) se veivosaki kei keitou ena talevoni se vidio (Zoom).



Veitaratara mai kei keitou

Talevoni: 0508 ISOQOSOQO NI VEIVUKE (0508 242 748)

iMeli: info@charities.govt.nz